

Еуразиялық экономикалық қоғамдастық Мемлекетаралық Кеңесінің үкімет басшылары деңгейіндегі он екінші мәжілісін дайындау және өткізу туралы

Қазақстан Республикасы Премьер-Министрінің 2005 жылғы 17 наурыздағы N 54-ө
Өкімі

2005 жылғы 23 - 25 наурыз кезеңінде Астана қаласында Еуразиялық экономикалық қоғамдастық Мемлекетаралық Кеңесінің үкімет басшылары деңгейіндегі он екінші мәжілісін (бұдан әрі - мәжіліс) дайындау және өткізу үшін:

1. Қазақстан Республикасы Сыртқы істер министрлігі мәжілісті дайындау және өткізу жөніндегі протоколдық-ұйымдастыру іс-шараларын қамтамасыз етсін.

2. Қазақстан Республикасы Президентінің Іс басқармасы (келісім бойынша):

1-қосымшаға сәйкес Беларусь Республикасы, Қырғыз Республикасы, Ресей Федерациясы және Тәжікстан Республикасы делегацияларының (бұдан әрі - делегациялар) мүшелеріне қызмет көрсету жөнінде ұйымдастыру шараларын қ а б ы л д а с ы н ;

2005 жылға арналған республикалық бюджетте 001 "Мемлекет басшысының, Премьер-Министрдің және мемлекеттік органдардың басқа да лауазымды тұлғаларының қызметін қамтамасыз ету" бағдарламасы бойынша көзделген қаражат есебінен мәжілісті өткізуге арналған шығыстарды қаржыландыруды қамтамасыз етсін.

3. Қазақстан Республикасы Ішкі істер министрлігі, Қазақстан Республикасы Президентінің Күзет қызметі (келісім бойынша), Қазақстан Республикасы Ұлттық қауіпсіздік комитеті (келісім бойынша) делегациялар мүшелерінің Астана қаласының әуежайындағы, тұратын және болатын орындарындағы қауіпсіздігін, сондай-ақ жүретін бағыттары бойынша бірге жүруді қамтамасыз етсін.

4. Қазақстан Республикасы Көлік және коммуникация министрлігі белгіленген т ә р т і п п е н :

Қазақстан Республикасы Қорғаныс министрлігімен бірлесіп, делегациялардың басшылары арнайы ұшақтарының Қазақстан Республикасы аумағының үстінен ұшып өтуін, Астана қаласының әуежайына қонуын және одан ұшып шығуын;

Астана қаласының әуежайында арнайы ұшақтарға техникалық қызмет көрсетуді, олардың тұрағын және жанармай құюды қамтамасыз етсін.

5. Қазақстан Республикасы Мәдениет, ақпарат және спорт министрлігі мәжілісінің бұқаралық ақпарат құралдарында жария етілуін қамтамасыз етсін.

6. Астана қаласының әкімі делегацияларды қарсы алу және шығарып салу жөніндегі ұйымдастыру іс-шараларының орындалуын, Астана қаласының әуежайы мен көшелерінің безендірілуін қамтамасыз етсін.

Қазақстан Республикасы
Премьер-Министрінің

2-қосымша

**Қазақстан Республикасының министрліктерін
делегацияларға бекітіп беру**

Беларусь Республикасы	Қаржы министрлігі (А.Ғ. Дунаев)
Қырғыз Республикасы	Ауыл шаруашылығы министрлігі (С.Ә. Үмбетов)
Ресей Федерациясы	Көлік және коммуникация министрлігі (Қ.Ы. Нағманов)
Тәжікстан Республикасы	Энергетика және минералдық ресурстар министрлігі (В.С. Школьник)